

Агитатор Иван Кензеев

Иван Кензеев аашсинь үзх-
ләрн «Сарпинский» совхозин
негдгч отделенә кōдлмшчнр ал-
дг уга күләджәсән медүлдж
тосцхана.

— Шин сән зәнъг авч ааш-
хнь лавта, сонъсдж болна,—
гидж тедн келцхәнә.

Агитаториг әмтн эргәд бүс-
ләд авчкна. Ур Кензеев тегәд
адгъм угагъар, амр медгд-
мәр күүндврән эклнә.

— Комбайнер үр Турунов
нег өдр валкас 40 гектар ур-
гъц цуглулдж авч цокв —
гидж эн күүндврән эклв. —
Юн эв-аргъар тер тиим ик
диилвр күцсн болхв?

Дарунь терүндән хәрү
нигдж өгв:

— Машинь хамхрдж-эвд-
рдж зогсхш, цаган әрвләд,
әмсхл болгъниг тоолна, күч-
кōлсән нөлго кōдлнә.

Цааранднь агитатор ком-
байнерин кōдлмшин дамшл-
тинь делгдж келдж өгв. Цугл-
рсн улс агитаторин келсн тоо-
тиг килмджән тәвдж сонъ-
сцхав.

Эн кевәр үр Кензеев өдр
болгън күүндвр кенә. Энүн-
ләгән хамднь газетәс сонън
зәнъгс умшдж өгхән мартхш,
кōдлмшчнрин сурсн үгднь
тохнятә хәрү өгнә.

Отделенә кōдлмшт дугу-
дунд үзгдхлә агитатор хаджу-
гъарнь давхш. Хадчқсн ич-
мән одахн күртл хурадж цо-
кдж авгдлго удан кевтв. Энү-
нә тускар агитатор боевой
листок гаргъад, фермин залгч
үр Мухиниг шалгългънла

харгъулв. Эннь ик дөнъ болв.
Ичмән дарунь цокдж авгдв.
Комбайнер Ф. Брякин цагъан
буудя хадхларн ик гедрл
гаргъад йовсинь агитатор ме-
дәд, зәнъглсәр, тер дарунь
тиим йовдл уурулгдв.

Агитатор үр Кензеевин
кōдлмшт тиим үлгүрмүд олт.
Цәәлгъврин кōдлмшиг күцәдж
йовх керг-төрлә ирлцүлдж,
әнүнд дөнъ-нөкд болдгар эн
кенә. Кōдлмшин түрүн нүүрт
йовх улсин дамшлтинь тар-
халгънд, дөрлдә делгрүллгънд
йилгъү оныган тәвнә.

Совхозин сән комбайнер-
мүд Турунов, Гутвенко, Кочу-
беев, шофермүд Савенков,
Мучкаев, Чванов эднә дамш-
лтнь агитатор Кензеевин күч-
ллгън орлцлгътагъар отделе-
нә цуг механизатормудт күр-
гдж цәәлгъдж өггдв. Теднәс
үлгүр авч, теднә кōдлмшин
эв-аргъинь олзлсна ашднь
ургъц хуралгъна, буудя госу-
дарствд орулдж өглгънә йову-
днь отделеньд хурдар кегд-
снь лавта.

Иим кевәр үр Кензеев агита-
тор күүнә ик даалгъврта,
тоомсрта кōдлмшиг ухан-сед-
клән тәвдж күцәгъад, кōдл-
мшчнрин дунд ик үлмә авсн
йовна. Агитатор бийиннь ме-
дрлән өөдлүлхиг мартхш, га-
зет, журнал, дегтр умшад,
улм икар медәд, медрлән өрг-
джүләд, батрулад бәәнә. Те-
гәд чигн энүнә кесн күүндвр
соньмджта, кōдлмшчнрт таас-
та болна.